


**МОНГОЛ УЛСЫН ГАДААД ХУДАЛДААНЫ
ТЭНЦЭЛ, ГОЛ НЭР ТӨРЛИЙН ЭКСПОРТ,
ИМПОРТЫН ТОО ХЭМЖЭЭ, ҮНЭ БОЛОН
ТАТВАРЫН ОРЛОГО БҮРДЭЛТИЙН ТАЛААРХ
ТОВЧ ТАНИЛЦУУЛГА**

Монгол Улсын Их Хурлын <http://parliament.mn/c/pwyo> цахим хаягаар, эсхүл дараах QR кодыг ашиглан бусад танилцуулга, мэдээтэй танилцана уу.



МОНГОЛ УЛСЫН ГАДААД ХУДАЛДААНЫ ТЭНЦЭЛ, ГОЛ НЭР ТӨРЛИЙН ЭКСПОРТ, ИМПОРТЫН ТОО ХЭМЖЭЭ, ҮНЭ БОЛОН ТАТВАРЫН ОРЛОГО БҮРДЭЛТИЙН ТАЛААРХ ТОВЧ ТАНИЛЦУУЛГА (2021 ОНЫ 3 ДУГААР УЛИРАЛ)

ГАДААД ХУДАЛДАА (2021 оны 3 дугаар улирлын байдлаар)



Нэг. Гадаад худалдааны үзүүлэлт

Гадаад худалдааны нийт бараа эргэлт: Гадаад худалдааны нийт бараа эргэлт 2021 оны 3 дугаар улирлын гүйцэтгэлээр **11,531.3** сая ам.долларт хүрч, өнгөрсөн оны мөн үеэс

27.1 хувь буюу **2,456.2** сая ам.доллараар өсөж, гадаад худалдааны тэнцэл **1,278.2** сая ам.долларын ашигтай гарсан байна.

Хүснэгт 1. Гадаад худалдааны үзүүлэлт

/сая ам.доллар/

Үзүүлэлт	9 дүгээр сар (өссөн дүнгээр)				Өөрчлөлт (өмнөх оны мөн үеэс)	
	2018	2019	2020	2021	Дүн	Хувь
Нийт эргэлтийн бараа	9,633.8	10,544.9	9,075.2	11,531.3	2,456.2	27.1
-Экспорт	5,282.8	5,946.1	5,147.0	6,404.7	1,257.7	24.4
-Импорт	4,351.1	4,598.8	3,928.1	5,126.6	1,198.4	30.5
Тэнцэл	931.7	1,347.3	1,218.9	1,278.2	59.3	4.9

Эх сурвалж: Гаалийн ерөнхий газар

Гадаад худалдааны тэнцэл: 2021 оны 3 дугаар улирлын байдлаар гадаад худалдааны тэнцэл 1,278.2 сая ам.долларын ашигтай гарсан байна. Өмнөх оны мөн үеэс 59.3 сая ам.доллар буюу 4.9 хувиар өсөхөд импорт 1,198.4 сая ам.доллар, экспорт 1,257.7 сая ам.доллараар тус тус өссөн нь нөлөөлсөн байна.

Экспорт: Экспортын худалдаа 2021 оны 3 дугаар улирлын гүйцэтгэлээр 6,404.7 сая ам.долларт хүрч, эдийн засаг хэвийн байсан үе буюу 2019 оны мөн үетэй харьцуулахад 458.7 сая ам.доллар буюу 7.7

хувийн өсөлттэй байна. Харин 2020 оны 3 дугаар улиралтай харьцуулахад 1,257.7 сая ам.доллар буюу 24.4 хувиар өссөн байна.

Импорт: 2021 оны 3 дугаар улирлын байдлаар импортын хэмжээ 5,126.6 сая ам.доллар болж 2019 оны мөн үетэй харьцуулахад 527.8 сая ам.доллар буюу 11.5 хувиар, 2020 оны мөн үеэс 1,198.4 сая ам.доллар буюу 30.5 хувиар тус тус өссөн байна.

Хоёр. Гол нэр төрлийн экспортын бүтээгдэхүүн

Нийт экспортын **84.1** хувийг эрдсийн бүтээгдэхүүний экспорт, **15.9** хувийг эрдсээс бусад бүтээгдэхүүний экспорт эзэлж байна. Эрдсийн бүтээгдэхүүний экспорт **5,384.0** сая ам.долларт хүрч, өмнөх оноос **1,767.0**

сая ам.доллар буюу **48.9** хувиар өссөн бол эрдсийн бус бүтээгдэхүүний экспорт **1,020.8** сая ам.доллар болж, өмнөх оноос **509.3** сая ам.доллар буюу **33.3** хувиар буурсан байна.

Хүснэгт 2. Эрдсийн болон эрдсийн бус бүтээгдэхүүний экспорт

/сая ам.доллар/

Үзүүлэлт	9 дүгээр сар (өссөн дүнгээр)				Өөрчлөлт		Нийт экспортод эзлэх хувь
	2018	2019	2020	2021	Дүн	Хувь	
Эрдсийн бүтээгдэхүүний экспорт	4,538.5	4,962.6	3,616.9	5,384.0	1,767.0	48.9	84.1
Эрдсээс бусад бүтээгдэхүүний экспорт	744.3	983.4	1,530.1	1,020.8	-509.3	-33.3	15.9
Нийт экспорт	5,282.8	5,946.1	5,147.0	6,404.7	1,257.7	24.4	100.0

Эх сурвалж: Гаалийн ерөнхий газар

ЭКСПОРТЫН ЗАРИМ ГОЛ НЭРИЙН БАРААНЫ ТОО ХЭМЖЭЭ БОЛОН ҮНИЙН ДҮН

Нийт экспортын 36.0 хувийг зэсийн баяжмал, 23.4 хувийг нүүрс, 13.2 хувийг төмрийн хүдэр ба баяжмал, 7.2 хувийг боловсруулаагүй

алт, 3.5 хувийг боловсруулаагүй нефть, 2.2 хувийг цайрын хүдэр ба баяжмал, 1.9 хувийг жоншны хүдэр эзэлсэн байна.

Хүснэгт 3. Гол нэр төрлийн бүтээгдэхүүний экспортын тоо хэмжээ, төрлөөр

Барааны төрөл	Хэмжих нэгж	9 дүгээр сар (өссөн дүнгээр)				Өмнөх оны мөн үеэс	
		2018	2019	2020	2021	Дүн	Хувь
Зэсийн баяжмал	мян.тн	1,073.0	1,066.3	1,020.7	1,020.9	0.2	0.02
Нүүрс	сая.тн	27.0	28.6	19.8	12.0	-7.8	-39.5
Төмрийн хүдэр, баяжмал	сая.тн	5.3	6.1	6.3	5.9	-0.3	-4.9
Цайрын хүдэр, баяжмал	мян.тн	92.2	100.7	102.7	92.4	-10.3	-10.0
Алт	тн	3.4	7.5	20.2	7.9	-12.4	-61.1
Боловсруулаагүй нефть	сая.баррель	4.81	4.84	2.4	3.7	1.3	55.8
Катодын зэс	тн	10.0	7.4	6.2	7.8	1.60	26.0
Жоншны баяжмал	мян.тн	344.7	500.0	490.7	565.2	74.5	15.2
Адууны мах	мян.тн	16.7	14.4	8.4	7.0	-1.4	-16.2
Өлөн гэдэс	тн	306.7	310.0	399.4	395.4	-4.0	-1.0

Үхэр, адууны боловсруулсан шир	сая.дм2	57.3	55.4	23.4	7.5	-15.9	-68.0
Үхэр, адууны боловсруулаагүй шир	мян.ш	0.3	421.9	161.0	441.4	280.4	174.2
Хонь, хурганы боловсруулсан арьс	сая.дм2	91.1	43.5	40.7	66.3	25.5	62.7
Ямаа, ишигний боловсруулсан арьс	сая.дм2	103.0	108.2	76.3	65.6	-10.7	-14.1
Самнасан ноолуур	тн	422.3	371.1	202.5	284.6	82.0	40.5
Бохир ноолуур	тн	5,108.3	5,595.5	5,200.5	4,373.6	-826.9	-15.9
Хонины самнаагүй ноос	мян.тн	9.9	9.8	4.6	5.5	0.9	20.7

Эх сурвалж: Гаалийн ерөнхий газар

Хүснэгт 4. Гол нэр төрлийн бүтээгдэхүүний экспортын орлого

/сая ам.доллар/

Барааны төрөл	9 дүгээр сар (өссөн дүнгээр)				Өмнөх оны мөн үеэс	
	2018	2019	2020	2021	Дүн	Хувь
Зэсийн баяжмал	1,487.6	1,421.0	1,166.3	2,307.3	1,141.0	97.8
Нүүрс	2,122.3	2,434.8	1,476.0	1,501.6	25.6	1.7
Төмрийн хүдэр	240.4	422.3	463.3	847.8	384.5	83.0
Цайрын баяжмал	153.5	145.1	124.2	142.9	18.7	15.0
Алт	144.5	344.3	1,166.1	460.0	-706.1	-60.6
Боловсруулаагүй нефть	316.1	271.7	85.9	224.3	138.4	161.1
Катодын зэс	65.2	43.4	33.5	68.8	35.3	105.5
Жоншны баяжмал	115.7	155.1	115.5	124.7	9.2	8.0
Бохир ноолуур	36.1	27.5	15.6	14.6	-1.0	-6.5
Самнасан ноолуур	5.8	6.1	6.4	9.5	3.1	48.0
Адууны мах	6.3	5.3	2.3	0.8	-1.5	-65.3
Хонины самнаагүй ноос	0.01	1.3	0.2	0.7	0.5	210.1
Үхэр, адууны боловсруулсан шир	6.3	5.3	0.9	1.3	0.4	44.1
Өлөн гэдэс	3.7	3.6	2.7	2.2	-0.5	-20.0
Ямаа, ишигний боловсруулсан арьс	36.2	32.9	13.2	24.7	11.5	86.8
Хонь, хурганы боловсруулсан арьс	242.3	280.2	151.5	176.0	24.5	16.1
Үхэр, адууны боловсруулаагүй шир	15.9	13.9	4.4	5.7	1.2	28.1
Нийт экспортод эзлэх хувь	94.6%	94.4%	93.8%	92.3%		

Эх сурвалж: Гаалийн ерөнхий газар

Эрдсийн бүтээгдэхүүний экспорт өнгөрсөн оны мөн үеэс **1,767.0** сая ам.доллар буюу 48.9 хувиар өсөхөд голлон нөлөөлсөн бүтээгдэхүүнүүдийг авч үзвэл:

1. Нүүрс: 2021 оны 3 дугаар улирлын байдлаар 12.0 сая тонн нүүрс экспортолж, 1,501.6 сая ам.долларын экспортын орлого олжээ. Өмнөх оны мөн үетэй харьцуулахад нүүрсний экспортын биет хэмжээ 7.8 сая тонноор буурсан боловч экспортын орлого 25.6 сая ам.доллараар буюу 1.7 хувиар өссөн байна. Нэг тонн нүүрсний экспортын дундаж үнэ өмнөх оны мөн үеэс 50.6 ам.доллар буюу 67.9 хувиар нэмэгдсэн нь нүүрсний экспортын орлого өсөхөд нөлөөлжээ.

2.Зэсийн баяжмал: 2021 оны 3 дугаар улирлын байдлаар зэсийн баяжмалын экспортын орлого өнгөрсөн оны мөн үеэс 97.8 хувь буюу 1,141.0 сая ам.доллараар нэмэгдэж, 2,307.3 сая ам.долларт хүрсэн байна. Зэсийн баяжмалын экспортын биет тоо хэмжээ 1,020.9 мянган тонн болж өнгөрсөн оны мөн үеэс 0.02 хувь буюу 0.2 мянган тонноор өссөн ба экспортын дундаж үнэ нь 97.8 хувиар өссөн байна.

3. Төмрийн хүдэр: 2021 оны 3 дугаар улирлын байдлаар төмрийн хүдрийн экспортын тоо хэмжээ 5.9 сая тонн болж, 847.8 сая ам.долларын экспортын орлого олсон байна. Төмрийн хүдрийн экспортын орлого өмнөх оны мөн үеэс 83.0 хувь буюу 384.5 сая ам.доллараар өсөхөд төмрийн хүдрийн биет хэмжээ 4.9 хувь буюу 0.3 сая тонноор буурсан боловч 1 тонн төмрийн хүдрийн экспортын дундаж үнэ 95.4 хувиар нэмэгдсэн нь нөлөөлсөн байна.

4.Цайрын баяжмал: 2021 оны 3 дугаар улирлын байдлаар цайрын баяжмалын экспортын тоо хэмжээ 92.4 мянган тоннд хүрч, 142.9 сая ам.долларын экспортын орлого олсон байна. Цайрын баяжмалын экспортын орлого өмнөх оны мөн үеэс 15.0 хувь буюу 18.7 сая ам.доллараар өсөхөд цайрын баяжмалын биет хэмжээ 10.0 хувь буюу 10.3 мянган тонноор буурсан боловч 1 тонн цайрын баяжмалын экспортын дундаж үнэ 27.9 хувиар нэмэгдсэн нь нөлөөлсөн байна.

Гурав. Гол нэр төрлийн импортын бүтээгдэхүүн

Нийт импортын **17.2** хувийг эрдсийн бүтээгдэхүүний импорт, **82.8** хувийг эрдсээс бусад бүтээгдэхүүний импорт тус тус эзэлж байна.

Эрдсийн бүтээгдэхүүний импорт **883.4** сая ам.доллар болж өмнөх оны мөн үеэс **155.4** сая ам.доллараар буюу 21.3 хувиар өссөн байна. Эрдсээс бусад бүтээгдэхүүний импорт **4,243.2** сая ам.долларт хүрч, өнгөрсөн оны мөн үеэс 1,043.1 сая ам.доллар буюу 32.6 хувиар өссөн байна.

Хүснэгт 5. Эрдсийн бүтээгдэхүүний импорт

/сая ам.доллар/

Үзүүлэлт	9 дүгээр сар (өссөн дүнгээр)				Өөрчлөлт		Нийт импортод эзлэх хувь
	2018	2019	2020	2021	Дүн	Хувь	
Эрдсийн бүтээгдэхүүний импорт	976.0	1,016.9	728.0	883.4	155.4	21.3	17.2
Эрдсээс бусад бүтээгдэхүүний импорт	3,375.1	3,581.9	3,200.1	4,243.2	1,043.1	32.6	82.8
Нийт импорт	4,351.1	4,598.8	3,928.1	5,126.6	1,198.4	30.5	100.0

Эх сурвалж: Гаалийн ерөнхий газар

Импортын барааны бүтцийн хувьд автотээвэр, агаарын тээврийн хэрэгсэл, тэдгээрийн эд ангийн импорт 19.5 хувь, машин, механик тоног төхөөрөмж ба эд анги, цахилгаан хэрэгсэл, тэдгээрийн сэлбэгийн импорт 18.5 хувь, эрдэс бүтээгдэхүүний импорт 17.2 хувь, мал амьтан, ургамлын гаралтай бүтээгдэхүүн, хүнсний зүйлийн импорт 13.8 хувь, химийн болон химийн үйлдвэрийн бүтээгдэхүүний импорт 8.2 хувийг тус тус эзэлж байна.

Хүснэгт 6. Импортын гүйцэтгэл, барааны бүлгээр

/сая ам.доллар/

№	Барааны нэр	Импорт		Өөрчлөлт		Нийт импортод эзлэх хувь
		2020.09	2021.09	Дүн	Хувь	
1	Амьд мал, амьтад, мал амьтдын гаралтай бүтээгдэхүүн	57.5	93.0	35.5	61.8	1.8
2	Ургамлын гаралтай бүтээгдэхүүн	90.4	151.1	60.8	67.2	2.9
3	Мал амьтны болон ургамлын гаралтай тос, өөх	24.8	33.5	8.7	34.9	0.7
4	Хүнсний бэлэн бүтээгдэхүүн	311.4	431.8	120.3	38.6	8.4
5	Эрдэс бүтээгдэхүүн	728.0	883.4	155.4	21.3	17.2
6	Химийн болон түүнтэй холбоотой үйлдвэрийн бүтээгдэхүүн	267.4	418.5	151.0	56.5	8.2
7	Хуванцар болон түүгээр хийсэн зүйлс, хаймар болон түүгээр хийсэн зүйлс	168.0	194.4	26.4	15.7	3.8
8	Арьс ширэн түүхий эд болон боловсруулсан арьс, шир, ангийн үс, эдгээрээр хийсэн эдлэл	4.0	4.9	0.9	23.1	0.1
9	Мод, модон эдлэл	35.8	48.1	12.3	34.4	0.9
10	Цаас болон картон, тэдгээрээр хийсэн зүйлс	40.8	47.4	6.6	16.2	0.9
11	Нэхмэлийн материал болон нэхмэл эдлэл	60.9	78.1	17.2	28.3	1.5
12	Гутал, малгай, төрөл бүрийн бусад зүйл	12.5	16.7	4.1	32.7	0.3
13	Чулуу, гөлтгөнө, шөрмөсөн чулуу, гялтгануур болон тэдгээртэй төстэй материалаар хийсэн бүтээгдэхүүн	124.3	133.5	9.2	7.4	2.6
14	Сувд, үнэт ба хагас үнэт чулуу, үнэт металл, гоёлын зүйлс, зоос	2.5	4.2	1.7	68.6	0.1
15	Үндсэн төмөрлөг болон түүгээр хийсэн бүтээгдэхүүн	422.0	466.4	44.4	10.5	9.1
16	Машин, механик тоног төхөөрөмж ба эд анги, цахилгаан хэрэгсэл, тэдгээрийн сэлбэг	797.7	950.1	152.4	19.1	18.5
17	Авто, агаарын ба усан замын тээврийн хэрэгсэл, тэдгээрийн эд, анги	658.6	999.8	341.1	51.8	19.5
18	Хараа зүй, гэрэл зураг, хэмжүүр, хяналт, эмнэлгийн багаж хэрэгсэл, цаг, хөгжмийн зэмсэг тэдгээрийн эд анги	63.9	95.9	32.1	50.2	1.9
19	Зэвсэг, галт хэрэгсэл, тэдгээрийн эд анги болон тоног хэрэгсэл	0.9	2.5	1.6	0.0	0.0
20	Аж үйлдвэрийн төрөл бүрийн бараа	56.6	73.1	16.5	29.2	1.4
21	Урлагийн бүтээл, цуглуулга хийх, зориулалтын зүйлс ба эртний үнэт дурсгалын зүйлс	0.04	0.1	0.1	270.3	0.003
	ДҮН	3,928.1	5,126.6	1,198.4	30.5	100.0

Эх сурвалж: Гаалийн ерөнхий газар

Автобензин, дизелийн түлшний импорт, түүнд нөлөөлсөн хүчин зүйлс: Монгол Улс автобензин, дизель түлшний хэрэгцээгээ 100 хувь импортоор хангадаг. Шатахууны импортыг төрлөөр нь авч үзвэл А-80 автобензиний импорт тогтмол буурч байгаа бол Аи-92 автобензиний импорт өсөх хандлагатай байна. Харин дизелийн түлшний импорт дотоодын уул уурхайн үйл ажиллагаатай уялдаж, тоо хэмжээ нь тогтворгүй, хэлбэлзэл өндөртэй байгаа боловч урт хугацаанд тасралтгүй өссөөр ирсэн байдаг.

Автобензин, дизелийн түлшний импортын тоо хэмжээ 2021 оны 3 дугаар улирлын гүйцэтгэлээр 1,104.5 мян.тонн болж, өмнөх оны мөн үеэс 3.3 хувь буюу 37.2 мян.тонноор, 2019 оны мөн үетэй харьцуулахад 144.4 мян.тонноор тус тус буурсан үзүүлэлттэй байна.

Хүснэгт 7. Автобензин, дизелийн түлшний импортын тоо хэмжээ

/мянган тонн/

Төрөл		9 дүгээр сар (өссөн дүнгээр)				Өөрчлөлт	
		2018	2019	2020	2021	Дүн	Хувь
Нийт		965.0	1,248.9	1,141.7	1,104.5	-37.2	-3.3
Автобензин	90 хүртэл	2.6	-	-	-	-	-
	90 дээш	11.6	-	-	-	-	-
Автобензин	A-80	50.6	51.0	43.7	42.7	-1.0	-2.3
	A-92	246.4	336.6	356.7	309.5	-47.2	-13.2
	A-95 болон түүнээс дээш	16.8	20.2	23.9	15.7	-8.2	-34.3
Дизель түлш	636.9	841.1	717.4	736.6	19.2	2.7	

Эх сурвалж: Гаалийн ерөнхий газар

Гаалийн байгууллагаас нүүрсний экспортын тоо хэмжээ өнгөрсөн оны мөн үеэс 7.8 сая тонноор буурсан нь автобензин, дизель түлшний импортын тоо хэмжээний бууралтад нөлөөлсөн гэж үзжээ. Монгол Улс энэ төрлийн бүтээгдэхүүний импортын 93 гаруй хувийг ОХУ, 4.6 орчим хувийг БНСУ, 2 хувийг БНХАУ, үлдсэнийг бусад улс орнуудаас импортолж байна. Манай улсад дунджаар 1 автотээврийн хэрэгсэл нэмэгдэхэд шатахууны хэрэглээ өдөрт

6 литрээр нэмэгдэх тооцоог мэргэжлийн байгууллагаас хийжээ. Түүнчлэн автобензиний хэрэглээний дийлэнхийг суудлын автомашин, нийт тээврийн хэрэгсэл эзэлдгээс хувийн хэрэглээ зонхилдог, харин дизелийн түлшний хэрэглээний ихэнхийг ачаа тээвэр, уул уурхайн машин механизм зэрэг хүчин чадал ихтэй техник хэрэгслүүдэд хэрэглэж байгааг Ашигт малтмал, газрын тосны газраас хийсэн судалгаанд дурдсан байна.

Дөрөв. Улсын төсвийн гаалийн орлого бүрдэлт

Гаалийн байгууллага 2021 оны 3 дугаар улиралд **2,656.6** тэрбум төгрөгийн орлого төвлөрүүлэх төлөвлөгөөтэйгээс **2,594.7**

тэрбум төгрөгийн орлого төвлөрүүлж, 97.7 хувийн гүйцэтгэлтэй байна.

Хүснэгт 8. Татварын орлогын гүйцэтгэл

/тэрбум төгрөг/

Үзүүлэлт	2020.09	2021.09		Өмнөх оны мөн үетэй харьцуулахад		Төлөвлөгөөтэй харьцуулахад	
	Гүйц.	Төл.	Гүйц.	Зөрүү	Хувь	Зөрүү	Хувь
Нийт орлого	2,149.9	2,656.6	2,594.7	444.8	120.7	-61.9	97.7
Гаалийн албан татвар	550.1	692.3	699.1	149.0	127.1	6.8	101.0
Нэмэгдсэн өртгийн албан татвар	1,126.4	1,417.7	1,410.6	284.2	125.2	-7.1	99.5
Архи, дарсны онцгой албан татвар	7.3	9.7	12.7	5.4	174.0	3.0	130.9
Тамхины онцгой албан татвар	88.9	101.8	99.0	10.1	111.4	-2.8	97.2
Шар айрагны онцгой албан татвар	1.4	1.5	3.5	2.1	250.0	2.0	233.3
Суудлын автомашины онцгой албан татвар	133.0	157.0	149.0	16.0	112.0	-8.0	94.9
Автобензин, дизель түлшний онцгой албан татвар	182.3	200.6	176.1	-6.2	96.6	-24.5	87.8
Автобензин, дизель түлшний албан татвар	12.3	11.6	10.7	-1.6	87.0	-0.9	92.2
Экспорт	0.012	0.018	0.037	0.025	0.0	0.0	0.0

Татварын дүн	2,101.7	2,592.2	2,560.7	459.0	121.8	-31.5	98.8
Өөрийн орлого	4.4	16.4	3.9	-0.5	88.6	-12.5	23.8
Хураамж	43.8	48.0	30.1	-13.7	68.7	-17.9	62.7

Эх сурвалж: Гаалийн ерөнхий газар

Орлогын гүйцэтгэлийг өнгөрсөн онтой харьцуулбал нийт орлого **444.8** тэрбум төгрөгөөр өссөн байна. Үүнд:

- Гаалийн албан татвар **149.0** тэрбум төгрөг;
- Нэмэгдсэн өртөгийн албан татвар **284.2** тэрбум төгрөг;
- Архи, дарсны онцгой албан татвар **5.4** тэрбум төгрөг;
- Тамхины онцгой албан татвар **10.1** тэрбум төгрөг;
- Шар айрагны онцгой албан татвар **2.1** тэрбум төгрөг;
- Суудлын автомашины онцгой албан татвар **16.0** тэрбум төгрөг;
- Экспортын гаалийн албан татвар **25** сая төгрөгөөр тус тус өссөн.

Харин автобензин, дизель түлшний онцгой албан татвар 6.2 тэрбум төгрөг, автобензин, дизель түлшний албан татвар 1.6 тэрбум төгрөг, өөрийн орлого 0.5 тэрбум төгрөг, хураамжийн орлого 13.7 тэрбум төгрөгөөр тус тус буурсан байна.

Тав. Татварын чөлөөлөлт

2021 оны 3 дугаар улирлын байдлаар нийт татвараас чөлөөлөгдсөн импорт үнийн дүнгээр **1,586.5** тэрбум төгрөг буюу нийт импортын **10.9** хувийг эзэлж байна. Өнгөрсөн оны мөн үетэй харьцуулахад татвартай импорт **2,850.4** тэрбум төгрөгөөр буюу **1.3** дахин, татвараас чөлөөлөгдсөн

импорт **651.3** тэрбум төгрөгөөр буюу **1.7** дахин тус тус өссөн үзүүлэлттэй байна.

Татвараас чөлөөлөгдсөн импортын нийт импортод эзлэх хувь өнгөрсөн оны мөн үетэй харьцуулахад **2.4** нэгж хувиар өссөн үзүүлэлттэй байна.

Хүснэгт 9. Импортын бүтэц

/тэрбум төгрөг/

Үзүүлэлт	2020.09	2021.09	Өөрчлөлт (+,-)	Хувиар
Татвартай импорт	10,164.5	13,014.9	2,850.4	128.0%
Эзлэх хувь	91.6%	89.1%	-2.4%	
Татвараас чөлөөлөгдсөн импорт	935.2	1,586.5	651.3	169.6%
Эзлэх хувь	8.4%	10.9%	2.4%	
Нийт импорт	11,099.7	14,601.4	3,501.7	131.5%

Эх сурвалж: Гаалийн ерөнхий газар

2021 оны 3 дугаар улирлын гүйцэтгэлээр 1,586.5 тэрбум төгрөгийн импортын бараанд ногдох **262.9** тэрбум төгрөгийн татвар хуулийн дагуу чөлөөлөгдсөн байна. Чөлөөлөгдсөн татварын дүнг өнгөрсөн оны мөн үетэй харьцуулахад **98.8** тэрбум төгрөгөөр өссөн үзүүлэлттэй байна. Үүнд:

1. Улаанбуудайн үр, хүнсний улаанбуудай, бүх төрлийн хүнсний будаа, элсэн чихэр, ургамлын тос зэрэг 320.7 тэрбум төгрөгийн статистик дүн бүхий бараанд 48.9 тэрбум төгрөг;

2. Засгийн газрын болон Олон улсын байгууллагатай байгуулсан зээлийн хүрээнд 237.7 тэрбум төгрөгийн статистик дүн бүхий бараанд 38.7 тэрбум төгрөг;

3. “Улаанбаатар төмөр зам” хувь нийлүүлсэн нийгэмлэгийн БНМАУ-ЗСБНХУ-ын хооронд байгуулсан 1949 оны хэлэлцээр, мөн УИХ-ын 2016.09.07-ны өдрийн “Онцгой албан татвараас чөлөөлөгдөх тухай хууль”-иар 200.2 тэрбум төгрөгийн статистик дүн бүхий бараанд 52.9 тэрбум төгрөг;

4.Засгийн газрын болон Олон улсын байгууллагын тусламжийн хүрээнд 95.8 тэрбум төгрөгийн статистик дүн бүхий бараанд 14.7 тэрбум тэрбум төгрөг;

5.Иргэний агаарын тээврийн зорчигч тээврийн хөлөг онгоц, түүний сэлбэг 91.4 тэрбум төгрөгийн статистик дүн бүхий бараанд 14.2 тэрбум төгрөг;

6.Сэргээгдэх эрчим хүчний судалгаа шинжилгээний болон үйлдвэрлэлийн тоног төхөөрөмж, түүний дагалдах хэрэгсэл, сэлбэг болох 27.3 тэрбум төгрөгийн статистик дүн бүхий бараанд ногдуулсан 3.5 тэрбум төгрөг;

7.Бусад төрлийн барааны хувьд татварын холбогдох хуулийн зүйл, заалтуудаар 489.3 тэрбум төгрөгийн статистик дүн бүхий бараанд 74.4 тэрбум төгрөгийн татварыг тус тус чөлөөлсөн байна.

Хүснэгт 10. Татварын чөлөөлөлт

/тэрбум төгрөг/

Д/д	Үзүүлэлт	2020.09		2021.09		Өөрчлөлт (2021/2020)	
		үнийн дүн	чөлөөлсөн татвар	үнийн дүн	чөлөөлсөн татвар	үнийн дүн	чөлөөлсөн татвар
1	Улаанбуудайн үр, хүнсний улаанбуудай, бүх төрлийн хүнсний будаа, элсэн чихэр, ургамлын тос	172.7	26.0	320.7	48.9	147.9	22.9
2	Гадаадын хөрөнгө оруулалт: УБТЗ	306.1	71.5	200.2	52.9	-105.8	-18.6
3	Засгийн газрын болон Олон улсын байгууллагын тусламж	48.9	4.9	95.8	14.7	47.0	9.8
4	Иргэний агаарын зорчигч тээврийн хөлөг онгоц, түүний сэлбэг	33.0	4.8	91.4	14.2	58.4	9.4
5	Засгийн газрын болон Олон улсын байгууллагын зээл	157.3	24.4	237.7	38.7	80.4	14.3
6	Хийн түлш, тэдгээрийн тоног төхөөрөмж	53.1	8.3	53.2	8.3	0.0	0.0
7	Сэргээгдэх эрчим хүчний судалгаа шинжилгээний болон үйлдвэрлэлийн тоног төхөөрөмж, түүний дагалдах хэрэгсэл, сэлбэг	5.3	0.7	27.3	3.5	22.0	2.7
8	ХАА-н зориулалттай тоног төхөөрөмж, ургамал хамгааллын бодис	33.5	5.2	70.9	7.4	37.4	2.2
9	Бусад	125.2	18.3	489.3	74.4	364.0	56.0
	Дүн	935.2	164.1	1,586.5	262.9	651.3	98.8

Эх сурвалж: Гаалийн ерөнхий газар

Коронавируст цар тахлын үед авч хэрэгжүүлж байгаа татварын чөлөөлөлтийн арга хэмжээ:

Дэлхий нийтэд тархаад байгаа Коронавируст цар тахал /КОВИД-19/-ын дэгдэлттэй холбоотойгоор гаргасан шийдвэрүүдийг үндэслэн гаалийн байгууллага дараах арга хэмжээг хэрэгжүүлж ажилласан байна. Үүнд:

1. 2020 оны 12 дугаар сарын 04-ний өдөр батлагдсан “Бүх төрлийн хүнсний будаа /цагаан будаа, гурвалжин будаа, шар будаа, бусад/, ургамлын тос болон 2020-2021 оны өвөлжилт, хаваржилтыг хүндрэлгүй давахад шаардагдах мал, амьтны бүх төрлийн тэжээл, өвс, тэжээлийн үр, хүнсний улаанбуудай, улаанбуудайн үр, тослог ургамал, ургамлын түүхий тосыг Гаалийн албан татвар болон НӨАТ-аас чөлөөлөх тухай” хуулийн хүрээнд 2021 оны 3 дугаар улирлын байдлаар 195 аж ахуйн нэгж, 1 хувь иргэний импортолсон нийт **112.5** сая ам.долларын нэр төрлийн бараанд ногдох **48.9** тэрбум төгрөгийн татварыг чөлөөлсөн байна.

2. Коронавируст цар тахлын оношилгоо, эмчилгээнд хэрэглэх зорилгоор импортоор оруулж байгаа оношлуур, эм, эмнэлгийн хэрэгсэл, тоног төхөөрөмж, ариутгал, халдваргүйжүүлэлтийн

бодис, амны хаалтыг татвараас чөлөөлөх тухай чиглэл өгснөөр дараах хууль, тогтоолуудыг хэрэгжүүлж ажилласан байна. Үүнд:

- Засгийн газрын 2009 оны 335 дугаар тогтоол /томуугийн А хүрээний (H1N1) вирусийн оношилгоо, эмчилгээний/;

- Гаалийн болон НӨАТ-аас чөлөөлөх тухай хууль 2020 оны 4 дүгээр сарын 09-ний өдөр батлагдсанаар дагаж гарсан Засгийн газрын 132-р тогтоолын хүрээнд тус тус 3 дугаар улирлын байдлаар 183 аж ахуйн нэгж, 1 хувь иргэний импортолсон нийт **129.3** сая ам.долларын нэр төрлийн бараанд ногдох **56.8** тэрбум төгрөгийн гаалийн болон нэмэгдсэн өртгийн албан татварыг чөлөөлсөн байна.

3. Цар тахлын үед хөдөө аж ахуй, газар тариалангийн салбарт үйл ажиллагаа эрхэлж буй аж ахуйн нэгжүүдэд татварын дэмжлэг үзүүлэх, дотоодын хүнсний үйлдвэрлэл, тогтвортой нийлүүлэлтийг нэмэгдүүлэх зорилгоор хөдөө аж ахуйн шинэ трактор комбайн, тоног төхөөрөмжийг энэ оны 5 дугаар сарын 22-ны өдрөөс он дуустал гаалийн албан татвараас хөнгөлж, 2025 оны 01 дүгээр сарын 01-ний өдрийг хүртэл нэмэгдсэн өртгийн албан татвараас чөлөөлөх хуулийг хэрэгжүүлж эхэлснээр 2021 оны 3 дугаар улирлын байдлаар 90 аж ахуйн нэгж, 9 хувь иргэний импортолсон нийт **16.2** сая ам.долларын бараанд ногдох **4.8** тэрбум төгрөгийн нэмэгдсэн өртгийн албан татварыг чөлөөлсөн байна.

**УЛСЫН ИХ ХУРЛЫН ТАМГЫН ГАЗРЫН
ХЯНАЛТ ШАЛГАЛТ, ҮНЭЛГЭЭНИЙ ГАЗРЫН
ТӨСВИЙН ХЯНАЛТ, ШИНЖИЛГЭЭНИЙ ХЭЛТЭС**